

四庫全書

集部

欽定四庫全書

古詩紀卷三十六

明 馮惟訥 撰

晉第六

陸雲

字士龍少與兄機齊名吳平入洛刺史周浚召為從事公府掾太子舍人出補浚儀令後拜吳

王晏郎中令成都王穎表為清河內史屢以正言忤旨機敗并為穎所害

大將軍宴會被命作詩 六章

皇皇帝祜誕隆駿命四祖正家天祿保一作安定廠哲惟

晉世有明聖如彼日月萬景攸正

巍巍明聖道隆自天則明分爽觀象洞玄陵

五臣作浚風叶

極一作紀絕輝照淵肅雍徃播福祿來臻

在昔奸臣稱亂紫微神風潛駭有赫茲威靈旗樹旆如
電斯揮致天之届于河之沂有命再集皇輿凱歸

頽網既振品物咸秩神道見素遺華反質辰晷重光協
風應律函夏無塵海外有謚

芒芒宇宙天地交泰王在華堂式宴嘉會玄暉峻朗翠

雲崇藹冕弁振纓藻服

五臣作火垂帶

祁祁臣僚有來雍雍薄言載考承顏下風俯覲嘉客仰
瞻玉容施已唯約于禮斯豐天錫難老如岳之崇

征西大將軍京陵王公會射堂皇太子見命作

此詩 六章

芒芒太極玄化烟煨頰形成器凌象垂文大鈞造物庶
類羣分先識經始實綜曩倫

惟岳隆周生甫及申天鑒在晉祚之降神邈矣遐風茂
德有鄰永言配命唯晉之鎮

厥鎮伊何實幹心膂文教內輔武功外禦淮方未靖帝
曰攸序公于出征奄有南浦

南海既賓爰戢干戈桃林釋駕天馬婆娑象齒南金來
格皇家絕音協徽宇宙告和

玄綱峻極天罔既絃文武方升允茲兼弘莪莪高夏有
肅其涼公侯戾止駟驥龍驤善問如林在會鏘鏘

祝融御節火正緝熙凱風徘徊萬物欣時秩秩初筵薄
言在茲嘉福介祐萬壽無期

太尉王公以九錫命大將軍讓公將還京邑祖

餞贈此詩

六章

烈文辟公時惟哲王闡縱絕期平顯幽光內實慎徽緝
熙有臧出糺方慝間督不揚高山峻極天造芒芒

天子念功大典光備肅肅王命宰臣蒞事穆矣淵讓遺
功遂志思我遠猷徽音孰嗣

后命既靈王人反旆興言出祖飲餞于邁旌旒泱泱輶
軒藹藹和風弭塵清暉映蓋

思樂中陵言觀其川公王戾止有車麟麟伊誰云饗我
有嘉賓羽觴舉酬酢爾征人

悠悠征人四牡駢駢發軫北京振策紫微昔乃云來春
林方輝歲亦暮止之子言歸道塗興戀伏載稱微

聖澤既渥嘉會惜惜庭旅鐘鼓堂有瑟琴飛轡清暉扶
桑移蔭視景抵慕揮袂沾襟變彼同栖悲爾異林我有
旨酒以歌以吟

大安二年夏四月大將軍出祖王羊二公於城

南堂皇被命作此詩

六章

時文惟晉天祚有祥聖宰作弼受言既臧有赫斯庸勳
格昊蒼景物台暉棟隆玉堂

惟常思庸大興光迪聖敬遠躋神道玄邈思媚三靈誕
膺天篤嘉命既辱王人言告

翼翼王人言告惟慕公輿駕言乃眷斯顧華旂飛藻鳴
鸞振路駢駢四牡噓天載步

我有高夏如雲斯蒼彫軒戾止薄言嘉會問誰在宴惟

俊惟又豐俎殷薦獻酬交泰

攸攸昊天南正興言朱明有暉萬葉翠繁昌雲垂天凱
風熙顏王臣在此貽宴于懽

懸象西頰虞淵納景嘉樂未晞嚴駕已整行矣征人身
乖路永飛驂顧懷華蟬引領遺思北京結轡臺省

從事中郎張彥明為中護軍

六章

思文有聖廟哲配天功濟生黎道合上玄休命發揮有
集惟賢哲彼寤宿澄此在淵

濟濟多士實播令聞王曰欽哉余嘉乃勳徽音孔碩惠
爾風雲穆此芳烈肇揚清芬

肅肅庶僚衺服寵暉肇被桃蟲假翼翻飛出撫邦家入
翔紫微有命既集願言永違

思樂華堂雲構崇基公王有酒薄言饗之景曜微芒芳
風詠時宴爾賓僉具樂于茲

亶亶我王豐恩允臧我客戾止飲酒公堂自彼下僚聿
來有光悲矣永言拍途逝將形違殿闥景附華房

開國承家勿用小人今我聖宰實蕃斯仁凌淵龍躍披
林鳳振正直既好嘉禮式陳振我遠德歸于時民

贈汲郡太守

八章

奚世都為汲郡太守客將之官大將軍崇賢之德既
遠而厚下之恩又隆非此離析有感聖皇既蒙引見
又宴于後園感鹿鳴之宴樂詠魚藻之凱歌而作是
詩

於穆皇晉豪彥實蕃天網振維有聖貞觀鳴鳥在林良

駿即閑萃彼俊又時亮庶官

抑抑奚生天篤其淳芳穎蘭揮瓊光玉振沈機照物妙
思考神思我善問觀德古人

善問伊何惠音孔韶肇允衡門翻飛宰朝肅雍芳林芬
響凌霄穆矣和風育爾清休

亦既有試出宰邦家之子于行民固謳歌風澄俗儉化
靜世波芒芒既庶且樂于和

我有好爵既成爾服入贊崇華遂登帷幄時文聖宰天

祚方穀朔風微止鴻漸雲嶽

悠悠斯民三代直道我求明德惟美攸考緝熙暉章天
祿來保惠心無兢豐化有造

樂只君子茂德攸綏嗟我懷人式是言歸聿言來集如
翼斯揮日子不惠照爾清暉

職思既殊亦各有司念我同僚悲爾異事之子之遠悠
悠我思雖無贈之歌以言志

贈顧驃騎二首

有皇 八章 并引

有皇美祈陽也祈陽秉文之士駿發其聲故能明照
有吳入顯乎晉國人美之故作是詩焉

有皇大晉時文憲章規天有光矩地無疆神篤斯祐本
顯克昌載生之雋實惟祈陽哲問宣猷考茂其相

於鑠祈陽誕鍾天篤清輝龍見玄猷淵嘿沈機響駭幽
神廣覲和以同人歸物時育有大惡盈謙以自牧思我
懿範萬民來服

吳未喪師天秩有庸淵哉若人弱冠休風俯翼黃門以
德來忠端秀蕃后正色儲宮徽音鑠穎邈矣遐蹤

皇維南終舊邦匪歆委弁釋位如龍之潛考樂窮谷假
樂豐林子雖箴器鐘鼓有音惠風往敬慶問來尋

濟濟元公相惟天子明明辟王思隆多士帝曰欽哉有
命集止我咨四方令問在爾以朕大賚乃膺嘉祉聿來
胥步觀國之紀

惟皇建極緝熙清曜我有暖民明德來照大觀在上王

假有廟顯允顧生金聲玉振之子于升利見大人龍輝
絕跡有肅清塵

清塵既彰朝虛好爵敬子侯度慎微百辟予聞有命德
禮不易嗟我懷人瞻言永錫豐祐東法惟子之績

遵汶涉泗言告同征勁風宵烈湛露朝零雲垂藹下泉
冽清泠哀哉行人感物傷情從子京邑言觀厥成天保
祚德式穀以寧

思文 八章

思文美祁陽也祁陽能明其德刑于寡妻以至于家
邦無思不服亦賴賢妃貞女以成其內教故作是詩
焉

思文祁陽祁陽克峻天錫純嘏宣茲義問德音既烈海
外有奮既奮斯音祇敬厥德昭治其家覃及邦國永肇
儀刑俾民惟則

文王在上太妣思齊魯侯克昌亦賴令妻鑒神有顧蘋
繁在斯祁陽載天作之伉儷

在冀之冑實惟有姚穎艷玉秀華茂桃夭居顯祇明在
靈格幽清塵熠爍淑心綢繆爰及祁陽惟德之周

其德伊何和貞虔告師民履素言謀慮度鐘鼓思樂靖
端夙效考休攸嬪來嫁于顧

羔羊執贄玉帛有輝百兩集止之子于歸宗姻風從娣
姪雲回祁陽顧之煥其盈闈

既曰歸止式揚好音言觀河洲有集于林思樂葛藟薄
采其葦疾彼攸遂乃孚惠心

惠心既孚有恪中饋敦此衆斯永錫嗣類載延竊寵用
和寤寐神之聽之肩祚來爾

昔周之隆有任有姁內刑聖教外崇多士今我淑人實
亮君子暨暨翼翼亦繼斯祉宜爾子孫福祿盈止

贈鄱陽府君張仲膺

五章

神林何有竒華妙實皇朝如何窮文極質斌斌君子升
堂入室太上有曜子誕其輝知機日難子達其微入輔
幃幄出御千里滔滔江漢南國之紀

謁帝東堂剖符南征天子命我車服以榮何以潤之德
被蒼生何以濟之威振羣城却愚以化崇賢以仁鳳舒
其翮龍濯其鱗憶彼荒藪莫敢不賓雖云舊邦其命維
新

卞和南金終始一色顯允君子窮達一德弘仁厲道物
究其極古賢受爵循牆虔恭今哲居貴履盈如冲接新
以化愛舊以豐隆此嚶鳴博彼谷風

忠至寵加孝至榮集內崇南芬外清名邑焯焯棠棣夏

增其華猗猗柔梓厥耀孔多被繡畫行昔人攸羨階雲
飛藻孰與同粲

人道伊何難合易離會如升峻別如順淇嗟我懷人曷
云其來貢言執手涕既隕之

贈顧彥先 五章

玄黃挺秀誕受至真行該其高德備其新光瑩之偉隋
卞同珍騰都之駿龍鳳合塵

皇皇明哲應期繼聲華映殊域實鎮天庭入輔出輔乾

乾靡寧夏發涼臺我雨我暑冬違邦族風霜是處嗟彼
獨宿誰與晤語飄飄艱辛非禹孰舉言念君子悵惟心
楚

悠悠山川驍驍征遐陟升焦堯降涉洪波言無不利乘
嶮而嘉人懷思慮我保其和

邂逅相遇良願乃從不逢知己誰濟子躬莫攀莫附媿
我高風時過年邁掩冉桑榆晞光賴潤亦在斯須假我
夷塗頓不忘驅汜子津川桴不失浮無愛餘輝遂暗東

岵

幽幽東岵戀彼西歸瞻儀情感聆音心悲之子于邁夙
夜京畿王事多難仲焉徘徊

答顧秀才

五章

芒芒上玄有物有則厥初造命立我藝則爰茲族類有
覺先識斯文未喪誕育明德

允矣顧生載靈之和沈根芳沼濯秀蘭波淵翹戢穎景
茂凌華惟是德心是用閑邪

德心伊何行歸于周希高仰峻企遠懷悠匪願在明靡
倦斯幽凡我同朋瞻言清休

慎終于遠俾民歸厚言若有行及予携手何以恤我其
仁孔有心之云愛隆敬其久

既邁斯仁亦迪茲文藻不雕樸華不變淳有斐君子如
珪如璫仰欽德類依懷惠詮式揚好問邦家于宣

答大將軍祭酒顧令文

五章

惟林有鷺惟淵有螭顯允明德實邦之基先后陟降于

配于茲遵彼玉堂受言邁之

中原有軌世鮮克蹈先民有懷子探其妙心猶水鑿函
景內照名若振炎攄光外耀

相彼水鑿民胥攸臨矧曰明德人誰弗欽寫我朶頤即
爾澄心義隆自古好邈在今

大人有作興雲自天之子于升亦躍于淵景曳清霄響
發鳴弦義問弘集淑風載鮮

企予朔都非子孰念豈無弱翰才不克瞻惠音聿來瓊

華玉艷無德不報念辭惟忝

答吳王上將顧處微

九章

邈矣大昧造化明明物以曲全人以直生類聚百族羣
分萬形負淵挺隋方川吐瓊

藹藹洪族天祿攸蕃神綏厥本道裕其源條有豐葉波
無輟瀾烈風時播芳響世繁

曰繁曰頤載德于茲克文克敏乃惠乃慈遵彼洪流薄
言詠之好是神契聊與之期

仁勇同宅文武相紛王謂御事誰撫上軍於時翻飛虎
嘯江濱式遏不虞俾也無塵

三代既遠直道垂音非齒焉尚非德孰欽鑽仰自古鮮
曰在今匪惟形交殷薦其心

心以殷薦分以道成祇服惠顧疇此深情亦有芳訊薄
載其誠豈無春暉茲焉可榮

大道易聞崇軌難襲孰云匪衍咎吝尤集敢謝不佞栖
山自戢臨篇焉愧德輜辭輯

翩彼日月逝猶駭電朝華未厭夕風已扇詩亦有悲無
幾相見懷德歎心于焉東眷

平津晚貢公後徵陟彼玉階黃髮來升靈卉三秀芳
草秋興唯願清神福祿是膺

贈顧尚書

五嶽降神四瀆炳靈兩儀鈞陶參和大成兆光人倫誕
育至英於顯尚書實惟我兄行成世則才為時生體道
既弘大德允明厥弘依何靡曠不遵厥明伊何靡妙不

研無索炤灼有求幽玄細微不錯毫芒以陳積篲為山
納流成淵扶翹布華養物作春所肅以禮所潤以仁宣
質拔行曜文入永堅不可鑽清如凝水方迹迎服蹈齊
闕里晞聖而惟亦顧之子彼棄芝英玩此蘭茝異世同
芳其馥不已我蘭既馥我風載清能芬南岳運芳北征
子有其德人求其馨逝此陋巷薰彼紫庭厥音不已鼓
鐘有聲聞天之聰譬之鵠鳴天聰既招我寔惟彰乘風
之鳳眷言朝陽披雲藻綉來此舊鄉謙光自抑厥輝愈

揚麗容雕翕孔好已張既照平林具我華英華英已曜
餘光難延會淺別速哀以紹欣追曠同塗暫和笑言殊
音合奏曲異響連絕我懼條統我思因根分來在愛感
徃思我非形景有處有遊載離載會且懼且憂感彼遠
曠去此延娛樂奏聲哀言發涕沅唯願我子德與福俱
亦天之祐亦我之私

答兄平原

伊我世族太極降精昔在上代軒虞篤生厥生伊何流

祚萬齡南嶽有神乃降厥靈誕鍾祖考徹茲神明運步
玉衡仰和太清賓御四門旁穆紫庭紫庭既穆威聲爰
振厥振伊何播化殊鄰清風攸被率土歸仁彤弧所警
萬里無塵功昭王府帝庸厥勳黃鉞授征錫命頻繁闕
如虺虎肅茲三軍光若辰跼亮彼公門仍世上司芳流
慶純雲和所產爰育二昆誕豐岐嶷夙邁令聞令聞伊
何休音允臧先公克構乃崇斯堂耀穎上京發迹扶桑
戎車山征時惟鷹揚既昭勳庸克邁天子命我鎮弼于


外在作扞城以表南裔降災匪蠲景命顛沛惟我賢昆
天姿秀生含竒播殊明德惟馨太陽散氣乃稟厥和山
川垂度爰則厥遐厥遐伊何惟光惟大惟大伊何如岱
如渭恢此廣淵廓彼洪懿弘道博德淵哉為器統我先
基弱冠慷慨將弘祖業實崇奕世咨予頑蒙最爾弱才
沈耀玄渚挹庇雲洪陶化靡移固陋于茲瞻仰洪範實
忝先基巍巍先基重規累構赫赫重光遐風激鷺昔我
先公爰造斯猷今我六蔽匪崇克扶悠悠大道載邈載

遐洋洋淵源如海如河昔我先公斯綱斯紀今我末嗣
乃傾乃圯世業之頽自予小子仰愧靈丘銜憂沒齒憂
懷惟何顧景惟塵莪莪高蹤眇眇賀辰明德繼體莫非
哲人今我頑鄙規範靡遵仍世載德荒之子身莫峻匪
岳有峻斯登莫高匪雲有高斯凌矧我成基匪克階升
玄黃長坂載寐載興豈敢憚行哀此負乘芒芒高山自
予頽之濟濟德義匪予懷之終銜永負于其媿而昔予
言曠汎舟東川銜憂告辭揮淚海濱義陽趣駕炎華電

征自我不見邈哉八齡悠思迥望寤言通靈昔我徃矣
辰在東嶠今我于茲日薄桑榆銜艱遘愍困瘁殷憂哀
矣我世匪蒙靈休開元迄茲震興迭微弱風隱駭海水
羣飛王旅南征闡耀靈威予昆乃播爰集朔土載離永
久其毒太苦上帝休命駕言其歸多我遘愍振蕩朔垂
羈繫殊俗初願用違嚴駕東征肅邁林野夕秣乘馬朝
整僕旅矯矯乘馬載驅載馳漫漫長路或降或階晨風
夙零朝不皇飢傾景儵墜夕不存罷雖有豐草匪釋奔

駟雖有重陰匪遑遐寐熒熒僕夫悠悠邁征經彼喬木
有鳥嚶鳴微物識儕矧伊有情樂茲棠棣實懼友生既
至既覲滯思曠年曠年殊域覲未浹辰恨其永懷憂心
孔艱天地永久命也難長生民忽霍曷去其常我之既
存靡績靡紀乾坤難並寂焉其已生若電激沒若川征
存愧松柏逝慚生靈匪去性命寔悼徒生苟克析薪豈
憚冥冥瞻企皇極徼福上天冀我友生要期永年昔我
先公邦國攸興今我家道綿綿莫承昔我昆弟如鸞如

龍今我友生凋俊隆雄家哲永祖世業長終華堂傾構
廣宅頽墉高門降衡脩庭樹蓬感物悲懷愴矣其傷悖
仁汜愛錫予好音晞光懷寶煥若南金披華玩藻曄若
翰林詠彼清聲被之瑟瑟味此殊響慰之予心弘懿忘
鄙命之反覆敢投桃李以報寶一作珠玉冀憑光蓋編諸
末錄



古詩紀卷三十六

欽定四庫全書

集部

古詩紀卷三十七

詳校官檢討

臣德生

侍讀臣孫球覆勘

總校官知縣

臣

楊懋珩

校對官助教

臣

卜維吉

謄錄監生

臣

魏繩曾

欽定四庫全書

古詩紀卷三十七

明 馮惟訥 撰

晉第七

陸雲 二

贈鄭曼季四首

谷風 五章

谷風懷思也君子在野愛而不見故作是詩言其懷

思之也

習習谷風扇此暮春玄澤墜潤靈爽烟煴高山熾景喬
木興繁蘭波清躍芳澍增涼感物興想念我懷人

習習谷風載穆其音流瑩鼓物清塵拂霖雨嘉播有
滄淒陰歸鴻逝矣玄鳥來吟嗟我懷人其居樂潛明發
有想如結予心

習習谷風以溫以涼玄黃交泰品物含章潛介淵躍候
鳥雲翔嗟我懷人在津之梁明發有思凌波褰裳

習習谷風其集惟高嗟我懷人於焉逍遙鷺栖高岡耳

想雲韶拊翼墜夕和鳴興朝我之思之言懷其休
習習谷風其音孔嘉所謂伊人在谷之阿虎質山嘯龍
輝淵蟠維南有箕匪休其和有抃斯畢俾爾滂沱懿厥
河漢惟彼太華明發有懷我勞如何

鳴鶴 四章

鳴鶴美君子也太平之世君子猶有退而窮居者樂
天知命無憂無欲頌人之考槃傷有德之遺世故作
是詩也

鳴鶴在陰戢其左翼肅雍和鳴在川之側假樂君子祚爾明德思樂重虛歸于其極嗟我懷人惟馨黍稷

鳴鶴在陰其鳴喈喈垂翼蘭沼濯清芳池假樂君子其茂猗猗底之瑰寶有餐瓊瓌乃振敷裳襲爾好衣嗟我懷人啓襟以晞

鳴鶴在陰其儀藹藹謂天蓋高和音于邁假樂君子篤膺俊乂穆風潛烈興雲戢蒼德茂當年時衍嘉會安得擊藻改爾縞帶嗟我懷人心焉忼愾

鳴鶴在陰載好其聲漸陸儀羽遵渚回涇假樂君子祚
之篤生德耀有穆如瑤如瓊安得風帆深濯鬢滅景遺
雲雨爾在北冥嗟我懷人惟用傷情

南衡 五章

南衡美君子也言君子邈世不悶以德存身作者思
其以德來仕又願言就之宿感白駒之義而作是詩
焉

南衡惟岳峻極昊蒼瞻彼江湘惟水泱泱清和有合俊

又以臧天保定爾茂以瓊光景秀濛汎穎逸扶桑我之
懷矣休音峻揚

穆穆休音有來爾雍沈波涌奧淵芳馥風僚虛養恬照
日遺蹤考槃遵渚思樂潛龍我之懷矣冥爾華宮

和璧在山荆林玉潤之子于潛清輝遠振克稱輔德作
寶有晉和聲在林羽儀未變我之懷矣有客來信

風雲有作應通山淵清琴啓彈宮商乘絃類族知感有
命自天夷叔希世猶謂比肩矧我與子姤會斯年

我之懷矣在彼北林北林何有於煥斯文瓊瑰非寶尺
牘成珍豐華非妙得意惟神河魴登俎遺答清川

高岡

四章

瞻彼高岡有猗其桐允也君子實寶南江負規啓俗沈
矩履方泳此明流清瀾川通陟彼衡林味其回芳

馥馥回芳綢繆中原祁祁庶類薄采其芬栖遲泌丘容
與衡門聲播東汜響溢南雲

穆穆閭闔南端啓籛庶明以庸帝聽式闕有鳳于潛在

材樞駢非子之祚孰與好爵

幽居玩物顧景自頤發憤潛惟
仞拂有思予美忘此終
然胥來企予與言惟用作詩

答孫顯世十章

邈矣上祖垂休萬葉廣問弘被崇軌峻躡高山克荒大
川利涉繁藹惟祐風連雲接

大人有作二后利見九功敷奏七德殷薦鼎寶重芳勞
烈再扇奕世弘道天祿來宴

道弘振古祚未替今如彼在川亦有浮沈大韶既素響
非我音豈曰荒止塗弗克尋

昌風改物豐水易瀾百川總紀四海合源在彼焉取聿
來莫觀曾是褊心敢忘丘園

員暉偏照玄澤謬盈發彼承華頓此增城紀景靈雲倦
遊紫庭匪曰能知實忝長纓

煥矣金虎襲我皇猷孰云匪宏仰媿蒼流往蹇來反弭
迹一丘變彼東朝言即爾謀

振振孫子洪族之紀志擬龍潛德配麟趾引服朗節克
明峻軌遵彼中臯於穆不已

於穆不已大都是階之子于命民膺如隕厚德時邁協
風允諧惠此海湄俾也可懷

乃眷丘林樂哉河曲解紱披褐投印懷玉遺情春臺托
蔭寒木言念伊人溫其在谷

道俟人行辭以義輯和容過表余未云執惠音弘播清
風駿集懷德形撫臨篇景立

失題 八章

悠悠懸象昭回太素清濁迭興升降啓度遺和既與季
春告暮朱明來思青陽受煦

日征月盈天道變通太初陶物造化為功四月惟夏南
征觀方凱風有集飄颻南窓思樂萬物觀異知同

有滄萋萋甘雨未播黍稷方華中田多稼庭槐振藻園
桃阿那薄言觀物在堂知化

蓬戶惟情玩物一室明發有懷念昔先哲通夢幽人彷彿

佛遺烈清暉在天孰與永日

乃啓遺籍思予大觀幽居傲物顧景怡顏况惟解舞衡
門重關思媚古人有懷良盤沈曦舍輝芳烈如蘭

厥初生民有物有類自古有稱大寶以位征徒式好俊
奔攸遂啓予有聞誨爾達貴

達貴伊何天爵無榮渾淪大昧混其濁清毀方遯象遺
頑履貞道實箴器景以昭形

芒芒陋世奚兢奚錯牧彼紛華委之冲漠漂志垂天矯

心馮閣通好莊聃儀刑有作安得達人顧子命薄

同前 六章

思樂芳林言采其菊衡薄遵塗中原有菽登彼脩巖在
林寤宿彷彿佳人清顏如玉

予美亡此誰為適道容與俟之玄髮方皓躑躅山阿玩
此芳草願食其穎庶以遺老

亶亶嘉時飄忽棄予有瞻逝深永歎潛澣登願扶桑仰
結飛啓伊人匪存遺芳孰與

精氣為物或降或升徂落攸往神奇有登死生為徒存
亡曷勝謂予不信遺籍有徵

閒居外物靜言樂幽繩樞增結甕牖綢繆和神當春清
節為秋天地則爾戶庭已悠

嗟我懷人悠悠其潛念昔先烈有懷所欽駭情玩世堂
允南金瓊輝邈矣誰適為心明發興言忼慨芳林

同前

美哉良友稟德坤靈明照遠鑒幽微研精超跡皇英質

如瑤瓊贈我翰林示我丹誠道同契合體異心并自頃
西徂合于五樓遲想歡懽觀我良疇亦既至止願言莫
由室邇人禹中情則憂抱恨東遊神往形留何以合忍
寄之此詩何以寓思記之斯辭我心愛矣歌以贈之無
祕爾音不我是貽

同前

有美一人芳問芬葩嗟我欽羨夢想光華亦既至上
下欣嘉德馥秋蘭容茂春羅淑似令娣惟予陋何雖有

良友朽木難加愛樂朋規贈以斯歌皆能載之其美孔
多嗟痛薄祜並罹哀苦堂構既崩過庭莫覩我悴西隣
子沈東土契濶艱辛誰與晤語身滯情往神遊影處發
夢宵寐以慰延佇

答兄平原

以下五言

悠悠塗可極別促怨會長銜思

善作思

戀行邁興言在臨

觴南津有絕濟北渚無河梁神往同逝感形留悲參商
衡軌若殊迹牽牛非服箱

答張士然

行邁越長川飄颻冒風塵
通波激枉渚悲風薄丘榛
脩路無窮迹井邑自相循
百城各異俗千室非良鄰
歡舊難假合風土豈虛親
感念桑梓域髮鬢眼中人
靡靡日夜遠眷眷懷苦辛

為顧彥先贈婦往返四首

我在三川陽子居五湖陰
山海一何曠譬彼飛與沈
目想清慧姿耳存淑媚音
獨寐多遠念寤言撫空衿
彼美

同懷子非爾誰為心

悠悠君行邁
熒熒妾獨止
山河安可踰
永路隔萬里
京室多妖冶
粲粲都人子
雅步擢纖腰
巧言發皓齒
佳麗良可美
哀賤焉足紀
遠蒙眷顧言
銜恩非望始

翩翩飛蓬征
郁郁寒水縈
遊止固殊性
浮沈豈一情
隆愛結在昔
信誓貫三靈
秉心金石固
豈從時俗傾
美目逝不顧
纖腰徒盈盈
何用結中款
仰指北辰星

浮海難為水
游林難為觀
容色貴及時
朝華忌日晏
皎

皎彼妹子灼灼懷春粲西城善雅舞總章饒清彈鳴簧
發丹唇朱絃繞素腕輕裾猶電揮雙袂如霧散華容溢
藻幄哀響入雲漢知音世所希非君誰能讚棄置北辰
星問此玄龍煥時暮復何言華落理必賤

失題

見藝文
笑藻部

綠房含青實金條懸白璆俯仰隨風傾焯焯照清流闕

同前

見藝文
嘯部

道遙近南畔長嘯作悲嘆闕

鄭曼季

答陸士龍四首

鴛鴦

六章 并序

鴛鴦美賢也有賢者二人雙飛東岳揚輝上京其兄
已顯登得朝而弟中漸婆婆娑衡門然其勞謙接士吐
握待賢雖姬公之下白屋洙泗之養三千無以過也
乃肯垂顧惠我好音思樂結永好之懽云爾

鴛鴦于飛在江之涘和音反暢拊翼雙起朝遊蘭池夕

宿蘭汀清風翕習扇彼蘭茝凌雲高厲載翔載止

鴛鴦于飛載飛載吟有鬱浚敷實惟桂林芳條高茂華
繁垂陰爰翔爰翔爰憩其南有馥清芬協我好音

鴛鴦于飛乘雲高翔有嚶其友戢翼未翔澹澹素波容
與趨唱雖曰戢止和音遠揚我有好爵與子偕嘗

鴛鴦于飛徘徊翩翩載頡載頽命侶鳴羣有鬱蘭皋冽
彼清源駕言遊之聊樂我云思與佳人齊懽順川

鴛鴦于飛或飛或遊習習谷風扇彼清流春草揚翹龜

龜沈浮感物興想我心長憂誰謂河廣曾不容舟企予
望之搔首踟躕

鴛鴦于飛載和其鳴懷爾好音寡我中情人亦有言心
得遺形授我木瓜報爾瑤瓊匪伊日報永好千齡

蘭林 五章 并序

蘭林權至好也有君子世濟其美英名光茂遭時暫
否福德衡門顧我殷勤屢辱德音思與結好以永不
刊

瞻彼蘭林有翹有秀有斐君子邦之碩茂厥德伊何固
天攸授如川之源如山之富回流清淵啓襟開裕縉紳
晞風民用胥附

猗猗碩人如玉如金浚其明哲克廣德心習習凱風吹
我棘林飛鵙萃至允懷好音悠悠征徒輔德鮮任嗟我
猗人和樂實忱

在昔延州鵠鳴江涯今我陸子曠世繼竒身垂千載德
音並馳漸鴻遵渚宛其羽儀安得高風騰翮天池

飛龍蜿蜒山谷升氣猛虎嘯吟清風高厲情同來感數
非身逝夷鮑齊懽專名故世愷悌君子民之攸暨咨予
邁時千載同愛

垂隴之會匪詩不宣嗟我懷人斯恩斯勤德音來訊有
蔚其文菽菽冕兔匪迹不存誠在心德愛結忘言

南山

五章 并序

南山酬至德也有退仕衡門脩道以養和棄物以存
神民思其治士懷其德或思置之列位或思從之信

宿詩人嘉與此賢當年相遇又屢獲德音情懽心至
故作是詩焉

陟彼南山言采其蕭樂只君子邦家之翹克茂厥猶輶
德是收聊道以儉廣愛以周嗟我懷人永好千秋

瞻彼江潭言釣其鱖有美碩人自公退處羔裘逍遙輶
德是舉白駒遯時世事孰與思我猗人寘之晉序有客
信信獨寐寤語

天高地卑玄黃烟燭人道交泰自昔先民耽文合好輔

德與仁管叔罕僑曠世難隣脩組施結玄丹生塵咨我
與子遘會當身琴瑟在御永愛纏綿

瞻彼江澳言詠其潭所謂伊人在水之陰養和以泰樂
道之潛錦衣尚絅至樂是耽興言永思繫懷所欽愛而
不見獨寐寤吟

詩以言志先民是經乃惠嘉訊德音惟馨欽詠繁藻永
結中情華文傷實世士所營達人神化反之混冥交棄
其數言取其誠思與哲人獨寶其貞

中陵 四章

瞻彼中陵，蘭英猗猗。允矣君子，樂且有儀。沈仁育物，玄聰鏡機。德充闡庭，名逸南畿。祁祁俊友，言酌言依。

鼓鐘于宮，百里震聲。臺臺令問，歸我偉貞。厥振伊何，駿奔以驚。厥問伊何，民胥以寧。有鶴在陰，非子誰鳴。我有好爵，非子孰盈。

潛龍遯初，有鳳戢翬。王猶未泰，彝倫錯違。臯門重闢，資爾啟扉。庶績適敷，非爾焉綏。翼翼京宇，俟爾攸晞。民之

胥望如渴如飢

德音來惠覆玩三周沈潤淵洞逸藻雲浮結心所親曷
變曷渝路隔津梁一葦限殊終朝之思三秋是踰愛而
不見興言跼蹐

孫拯

字顯世吳郡富春人能屬文吳黃門郎入
晉為涿令陸機被誣收拯考掠遂死獄中

贈陸士龍十章

五龍戢號雲鳥纂紀淳化既離義風肅始軒冕垂容文
教乃理奕奕英族盛德豐祀

於赫皇吳應天統元蒸文烈公光讚懿勲九命重輝恭
德彌勤華黻襲藻金石載振

淵哉陸生本顯洪胄亦崇懿風邈比宏裕無兢惟德豐
光伊茂文以義好施以仁富

山積惟峻道隆名遐潛景在淵龍躍承華既升爾儀誰
不允嘉有灌重淵載清其波

濟濟皇朝莪莪髦士序爵以賢惟俊萃止翩翩二官令
問不已乃遷華閣皇典斯紀

思文大謨恢我王猷清風肆穆雅憲允休邁彼江川邈
此北流微言蘭馥玉藻雲浮

遭時之險虎宰滔天憑德美重繫此俊賢休否既亨名
以德淵清微伊鑠錯之彌堅

明明大象玄鑿照微顯允君子求福不回善挹引慶險
以德祈澄濁以靜罔久不暉

釋彼遊寄樂此窈貞形以神和思以道新青雲方乘茂
餌可捐達觀在一萬物自賓

寂寂重門誰和子音
瞻彼晨風思託茂林
闕

古詩紀卷三十七

欽定四庫全書

古詩紀卷三十八

明 馮惟訥 撰

晉第八

潘岳

字安仁，滎陽中牟人。美姿儀，少以才穎發名。善屬文，清綺絕世。舉秀才為郎，遷河陽懷二縣令。

入補尚書郎，累遷給事黃門侍郎。素與孫秀有隙，及趙王倫輔政，秀遂誣岳與石崇為亂，誅之。○詩品曰：潘岳詩其源出於仲宣，翰林歎其翩翩然如翔禽之有羽毛，衣服之有綃縠，猶淺於陸機、謝琨云。潘詩爛若舒錦，無靈不佳。陸文似披沙揀金，往往見寶，矇謂益壽，輕華故以潘為勝。翰林薦論故謂陸為深，余常言陸才如海，潘才如江。孫興公曰：潘文淺而淨，陸文深而蕪。

關中詩 十六章

惠帝元康六年氏賊齊萬年與楊茂於關中反亂
既平帝命諸臣作關中詩潘岳上表曰詔臣作關
中詩輒奉詔竭愚作詩一篇按漢紀孝明時護羌
校尉竇林上降羌顛岸以為羌豪岸兄顛吾復降
問事狀林對前後兩屈坐誣罔下獄死齊萬年編
戶隸屬為日久矣而死生異辭必有訛謬故引證
喻以懲
不恪

於皇時作五臣晉受命既固三祖在天聖皇紹祚德博化

光刑簡枉錯微火不戒延我寶庫

蠢爾戎狄狡焉思肆虐我國青窺我利器嶽牧慮殊威

懷理二將無專策兵不素肄

翹翹趙王請徒三萬朝議惟疑未逞斯願桓桓梁征高
牙乃建旗蓋相望偏師作援

虎視眈眈威彼好時素甲日耀玄幕雲起誰其繼之夏
侯卿士惟系惟處別營碁峙

夫豈無謀戎士承平守有完郭戰無全兵鋒交卒奔孰
免孟明飛檄秦郊告敗上京

周殉師令身膏氏斧人之云亡貞節克舉盧播違命投

界朔土為法受惡誰謂荼苦

哀此黎元無罪無辜肝腦塗地白骨交衢夫行妻寡父
出子孤俾我晉民化為狄俘

亂離斯瘼日月其稔天子是矜盱食宴寢主憂臣勞孰
不祇慄愧無獻納尸素以甚

皇赫斯怒爰整精銳命彼上谷指日遄逝親奉成規稜
威遐厲首陷中亭揚聲萬計

兵固詭道先聲後實聞之有司以萬為一紂之不善我

未之必虛晶滿德繆彰甲吉

雍門不啟陳汧危偏觀遂虎奮感恩輸力重圍克解危

城載色

五臣作邑

豈曰無過功亦不測

情固萬端于何不有紛紜齊萬亦孔之醜曰納其降曰
臬其首疇真可掩孰偽可久

既徵爾辭既蔽爾訟當乃明實否則證空好爵既

五臣作自

縻顯戮亦從不見竇林伏尸漢邦

周人之詩寔曰采薇北難獫狁西患昆夷以古況今何

足曜威徒愍斯民我心傷悲

斯民如何荼毒于秦師旅既加饑饉是因疫癘淫行荆
棘成榛絳陽之粟浮于渭濱

明明天子視民如傷申命羣司保爾封疆靡暴于衆無
陵于彊惴惴寡弱如熙春陽

為賈謚作贈陸機 十一章

肇自初創二儀網緼粵有生民伏羲始君結繩闡化八
象成文芒芒九有區域以分

神農更王軒轅承紀畫野離疆爰封衆子夏啟既襲宗
周繼祀綿綿瓜瓞六國互峙

疆秦兼并吞滅四隅子嬰面櫬漢祖膺圖

五臣作符

靈獻微

弱在湟則渝三雄鼎足孫啟南吳

南吳伊何借號稱王大晉統天仁風遐揚偽孫銜璧奉
土歸疆婉婉長離凌江而翔

長離云誰咨爾陸生鶴鳴九臯猶載厥聲况乃海隅播
名上京爰應旌招撫翼宰庭

儲皇之選實簡惟良英英朱鸞來自南岡矐藻崇正玄
冕丹裳如彼蘭蕙載採其芳

藩岳作鎮輔我京室旋反桑梓帝弟作弼或云國官

臣五

作官清塗攸失吾子洗然恬淡自逸

廊廟惟清俊又是延擢應嘉舉自國而遷齊轡羣龍光
讚納言優游省闈珥筆華軒

昔余與子繾綣束朝雖禮以賓情通友僚嬉娛絲竹撫
鞞舞韶脩日朗月携手逍遙

自我五臣離羣二周于今雖簡其面分著情深子其超

矣實慰我心發言為詩俟望好音

欲崇其高必重其層立德之柄莫匪安善作恒在南稱

甘度北則橙崇子鋒穎不頽不崩

北芒送別王世胄詩

朱鑣既揚四轡既整駕言餞行告離芒嶺情有遷延日
無餘影迴轅南翔心焉北騁

家風詩

縮髮縮髮亦髻

一作翼

止日祇日祇敬亦慎止靡專靡

有受之父母鳴鶴匪和析薪弗荷隱憂孔疚我堂靡構
義方既訓家道頽頽豈敢荒寧一日三省

於賈謐坐講漢書

治道在儒弘儒由人顯允魯侯文質彬彬筆下攜藻席
上敷珍前疑惟辨舊史惟新惟新爾史既辨爾疑延我
寮友講此微辭

離合

佃漁始化人民穴處意守醇樸音應律呂桑梓被源卉
木在野錫鸞未設金石拂舉害咎蠲消吉德流普谿谷
可安奚作棟宇媽然以烹焉懼外侮熙神委命已求多
祛嘆彼季末口出擇語誰能默識藝文作誠言喪厥所壘畝
之諺龍潛巖阻眇義崇亂少長失叙思揚容如難堪

金谷集作詩

王生和鼎實石子鎮海沂親友各言邁中心悵有違何
以叙離思攜手游郊畿朝發晉京陽夕次金谷湄迴谿

紫曲阻峻阪路威夷綠池泛淡淡青柳何依依濫泉龍

鱗瀾

一作

激波連珠揮前庭樹沙棠後園植烏桺靈囿

繁石

善作

榴茂林列芳梨飲至臨華沼遷坐登隆坻玄

醴染朱顏但慙杯行遲揚桴撫靈鼓簫管清且悲春榮

誰不慕

五臣

作耀歲寒良獨希投分寄石友白首同所歸

河陽縣作二首

微身輕蟬翼弱冠忝嘉招在疚妨賢路再升上宰朝猥

荷公叔舉連

五臣

作連陪廁王寮長嘯歸東山擁耒耨時苗

幽谷茂纖葛峻巖敷榮條落英隕林趾飛莖秀陵喬卑
高亦何常升降在一朝徒恨良時泰小人道遂消譬如
野田蓬幹流隨風飄昔倦都邑游今掌河朔徭登城眷
南顧凱風揚微綃洪流何浩蕩脩芒鬱岵堯誰謂晉京
遠室適身實遼誰謂邑宰輕今名患不劭人生天地間
百年孰能要頽五臣作款如槁五臣作款石火瞥若截道颺齊都
無遺聲桐響有餘謠福謙在純約害盈由於驕雖無君
人德視民庶不忼

日夕陰雲起登城望洪河川氣冒山嶺驚湍激巖阿歸

鴈映蘭時

五臣作
詩音止

游魚動圓波鳴蟬厲寒音時菊耀秋

華引領望京室南路在伐柯大厦

五臣作夏

緬無覲崇芒鬱

嵯峨總總都邑人擾擾俗化訛依水類浮萍寄松似懸
蘿朱博糾舒慢楚風被琅邪曲蓬何以直託身依叢麻
黔黎竟何常政成在民和位同單父邑愧無子賤歌豈
敢陋徵官但恐忝所荷

在懷縣作二首

南陸迎脩景朱明送末垂初服啓新節隆暑方赫曦朝
想慶雲興夕遲白日移揮汗辭中宇登城臨清池涼颺
自遠集輕襟隨風吹靈圃耀華果通衢列高椅瓜瓞蔓
長苞薑芋紛廣畦稻栽蕭芊芊黍苗何離離虛薄乏時
用位微名日卑驅役宰兩邑政績竟無施自我違京輦
四載迄于斯器非廊廟姿屢出固其宜徒懷越鳥志眷
戀想南枝

春秋代遷逝四運紛可喜寵辱易不驚戀本難為思我

來冰未泮時暑忽隆熾感此還期淹歎彼年徃駛登城
望郊向游目歷朝寺小國寡民務終日寂無事白水過
庭激綠槐夾門植信美非吾土祇攬懷歸志眷然顧鞏
洛山川邈離異願言旋舊鄉畏此簡書忌祇奉社稷守
恪居處職司

內顧詩二首

廣文選作
潘尼者非

靜居懷所歡登城望四澤春草鬱青青桑柘何奕奕芳
林振朱榮淥水激素石初征冰未泮忽焉衿絺綌漫漫

三千里迢迢遠行客馳情戀朱顏寸陰過盈尺夜愁極
清晨朝悲終日夕山川信悠永願言良弗獲引領訊歸
期沈思不可釋

獨悲安所慕人生若朝露綿邈寄絕域眷戀想平素爾
情既來追我心亦還顧形體隔不達精爽交中路不見
山下松隆冬不易故不見澗邊栢歲寒守一度無謂希
見跡在遠分彌固

悼亡詩三首

荏苒冬春謝寒暑忽流易之子歸窮泉重壤永幽隔私
懷誰克從淹留亦何益僂俛恭朝命迴心反初後望廬
思其人入室想所歷幃屏無髣髴翰墨有餘跡流芳未
及歇遺挂猶在壁悵恍如或存周_{五臣}遑_{作惶}忡驚惕如彼
翰林鳥雙栖一朝隻如彼游川魚比目中路折春風緣
隙來晨雷承簷滴寢息何時忘沉憂日盈積庶幾有時
哀莊缶猶可擊

皎皎窓中月照我室南端清商應秋至溽暑隨節闌凜

凜涼風升始覺夏衾單豈曰無重纊誰與同歲寒歲寒無

與同朗月何朧朧展轉眄枕席長篔簹竟牀空牀空委清塵

室一作空虛來悲風獨無李氏靈髣髴觀爾容撫衿長嘆

息不覺涕霑五臣作淚沾曾安能已悲懷從中起寢興

目存形遺音猶在耳上慙東門吳下愧蒙莊子賦詩欲

言志此志難具紀命也可奈何長戚自令鄙

矐靈運天機四節代遷逝淒淒朝露凝烈烈夕風厲柰

何悼淑儷儀容永潛翳念比如昨日誰知已卒歲改服

從朝政哀心寄私制茵幃張故房朔望臨爾祭爾祭詎
幾時朔望忽復盡衾裳一毀撤千載不復引壘壘暮月
周戚戚彌相愍悲懷感物來泣涕應情隕駕言陟東阜
望墳思紆軫徘徊墟墓間欲去復不忍徘徊不忍去徙
倚步踟躕落葉委埏側枯芳帶墳隅孤魂獨煢煢安知
靈與無投心遵朝命揮涕強就車誰謂帝宮遠路極悲
有餘

哀詩

淮如葉落樹邈若雨絕天雨絕有歸雲葉落何時連山
氣冒岡嶺長風鼓松栢堂虛聞鳥聲室暗如日夕晝愁
奄逮昏夜思忽終昔展轉獨悲窮泣下沾枕席人居天
地間飄若遠行客先後詎能幾誰能獎金石

思子詩

造化甄品物天命代虛盈柰何念稚子懷竒隕幼齡追
想存髮鬢感道傷中情一往何時還千載不復生

別詩

岳集曰堪為成都王軍司馬岳送至北邙別作詩

微微髮膚受之父母峨峨王侯中外之首子親伊姑我

父唯舅

世說曰阮千里姨兄弟滿安仁中外安仁詩所謂子親伊姑我父唯舅是許允壻

潘尼

字正叔少與從父岳俱以文章知名舉秀才為太常博士累拜太子舍人出為宛令入補尚書郎齊王回起義兵引為參軍事平封安昌公歷中書令永嘉中遷太常卿

七月七日侍皇太子宴玄圃

商風初授辰火微流朱明送夏少昊迎秋嘉禾茂園芳草被疇於時我后以豫以遊

贈陸機出為吳王郎中令

六章

東南之美曩惟延州顯允陸生於今妙

五臣作鮮

儔振鱗南

海濯翼清流婆娑翰林容與墳丘

玉以瑜潤隨以光融乃漸上京羽

善作乃

儀儲宮玩爾清

藻味爾芳風泳之彌廣挹之彌冲

崑山何有有瑤有珉及爾同僚具惟近臣予涉素秋子

登青春愧無老成廁彼日新

祁祁大邦惟桑惟梓穆穆伊人南國之紀帝曰爾諧惟

王卿士俯俸從命奚恤奚喜

我車既巾我馬既秣星陳夙駕載脂載轄婉孌二宮徘徊殿闈醪澄莫饗孰慰飢渴

昔子忝私貽我蕙蘭今子徂東何以贈旃寸晷惟寶豈無璵璠彼美陸生可與晤言

答陸士衡

顧茲蓬蔚厠根蘭陂膏澤雖均華不足披逮春不茂未秋先萎子濯靈翼我挫羽儀願言難常載合載離昔遊

禁閨祇畏夕惕今放丘園縱心夷易口詠新詩目玩文
跡予志耕圃爾勤王役慙無琬琰以訓尺璧

答傅咸詩

并序

司徒左長史傅長虞會定九品左長史宜得其才屈
為此職執天下清議宰割百國而長虞性直而行或
有不堪余與之親作詩以規焉

悠悠郡吏非子不整嗷嗷衆議非子不靖忽荷畧紐握
綱提領矯矯貞臣惟國之屏

皇太子集應令

聖朝命方岳爪牙司北鄰皇儲延篤愛設餞送遠賓誰
應今日宴具惟廊廟臣置酒宣猷庭擊鼓靈沼濱羽觴
飛醕醪芳饌備奇珍巴渝二八奏妙舞鼓鐸振長袪一作
袂生迴颺曲裾揚輕塵

皇太子社

太簇協青陽履端發歲首孟月涉初旬吉日唯上酉我
后邇天休設社祈遐耆

三月三日洛水作

晷運無窮已時逝焉可追斗酒足為歡臨川胡獨悲暮
春春服成百草敷英蕤聊為三日遊方駕結龍旂廊廟
多豪俊都邑有艷姿朱軒蔭蘭皋翠幙映洛湄臨崖濯
素手步水擘輕衣沈鈎出比目舉弋落雙飛羽觴乘波

進素俎隨

初學
作逐

流歸

贈河陽詩

叔潘岳為
河陽令

處生化單父子竒蒞東阿桐鄉建遺烈武城播絃歌逸

驥騰夷路潛龍躍洪波弱冠步鼎鉉既立宰三河流聲
馥秋蘭擣藻艷春華徒美天姿茂豈謂人爵多

贈侍御史王元貺

崑山積瓊玉廣厦構衆材游鱗萃靈沼撫翼希天階膏
蘭孰為消濟治由賢能王侯厭崇禮迴迹清憲臺夔屈
固小徃龍翔迺大來協心毗聖世畢力讚康哉

贈長安令劉正伯詩

遊鸞憑太虛騰鱗託浮霄過蒙嘉時會假翼陵扶搖疲

憊充時乏及余再同僚並跡侍儲宮攜手登皇朝劉侯
撫西都邁績參豹喬德厚化必深政明姦自消萬尋由
積篲千里一步超爾其騁逸軌遠塗固可要

贈隴西太守張正治詩

二八由唐顯周以多士隆羣靈感韶運理翮應翔風張
生拔幽華蘋繁登二宮未幾振朱錦剖符撫西戎及子
仍同僚贈言貽爾躬威刑有時用唯德可令終

贈滎陽太守吳子仲詩

大晉盛得人儲宮畜髦士吳侯降高質剖符授千里垂
覆宜他鄉迴光臨桑梓寮類感岐路黎庶思知耻老氏
喻小鱗曹叅寄獄士無謂敝邑陋覆篲由茲起

答楊士安詩

逝將辭儲宮栖遲集南畿不悞百里賤徒惜年志哀躊
躇顧城闕怨懣慕端闈俊德貽妙詩敷藻發清徽媿彼
褒崇過感此岐路悲

送盧景宣詩

楊朱焉所哭岐路重別離屈原何傷悲生離情獨哀知
命雖無憂倉卒意低迴歎氣從中發灑淚隨襟頽九重
不常鍵閭闔有時開愧無紵衣獻貽言取諸懷

迎大駕

南山鬱岑崟洛川迅且急青松蔭修嶺綠縈被廣隰朝
日順長塗夕暮無所集歸雲乘憶浮淒風尋惟入道逢
深識士舉手對吾揖世故尚未夷峻函方峻澁狐狸夾
兩轅豺狼當路立翔鳳嬰籠檻騏驥見維繫俎豆昔嘗

聞軍旅素未習且少停君駕徐待干戈戢

逸民吟

我顧傲世自遺舒志六合由巢是追沐浴洪池迅羽衣
陟彼名山採此芝薇朝雲靉靄行露未晞遊魚羣戲翔
鳥雙飛逍遙博觀日晏忘歸嗟哉四士從我者誰

釋奠詩

以下
闕文

敦書請業研幾通理尊師重道釋奠崇祀德成教倫孰
云不祉

送大將軍掾盧晏

贈物雖陋薄識意在忘言瓊琚尚交好桃李貴徃還蕭艾苟見納貽我以芳蘭


贈汲郡太守李茂彥

潘尼贈二李郎詩序曰元康六年尚書吏部郎汝南李光彥遷汲郡太守都亭侯江夏李茂魯遷平陽太守此二子皆弱冠知名歷職顯要旬月之間繼踵名郡離儉劇之勤就放曠之逸枕鳴琴以俟遠致離別之際各斐然賦詩

離索何惆悵後會未可希河朔貴相忘歧路安足悲

贈劉佐

要言將誰苦聊以貽友生念我二三賢規我無隱情



古詩紀卷三十八

欽定四庫全書

集部

古詩紀卷

三十九至
四十二

詳校官檢討臣德生

侍讀臣孫球覆勘

總校官知縣臣楊懋珩

校對官助教臣卜維吉

謄錄監生臣魏繩曾

欽定四庫全書

古詩紀卷三十九

明 馮惟訥 撰

晉第九

左思

字太冲齊國臨淄人也徵為秘書郎齊王囹命為記室辭疾不就以疾終詩品曰左思詩其

源出於公幹文典以怨頗為精切得諷諭之致雖野於陸機而深於潘岳謝康樂常言左太冲詩潘

安仁詩古今雜比

贈妹九嬪悼離詩

鬱鬱岱清海瀆所經陰精以靈為祥為禎峨峨令妹應

期誕生如蘭之秀如芝之榮總角歧嶷齟齬夙成比德
古烈異世同聲惟我惟妹寔惟同生早喪先妣恩百常
情女子有行實遠父兄骨肉之恩固有歸寧何悟離拆
隔以天庭自我不見于今二齡穆穆令妹有德有言才
麗漢班明朗楚樊默識若記下筆成篇行顯中閨名播
外藩何以為贈勉以列圖何以為言申以詩書相去在
近上下歎歎含辭滿胸鬱煩不舒

詠史八首

弱冠弄柔翰卓犖觀羣書著論準過秦作賦擬子虛邊
城苦鳴鏑羽檄飛京都雖非甲冑士疇昔覽穰苴長嘯
激清風志若無東吳鉛刀貴一割夢想騁良圖左眇澄
江湘右盼定羌胡功成不受爵長揖歸田廬

鬱鬱澗底松離離山上苗以彼徑寸莖蔭此百尺條世
胄躡高位英俊沈下僚地勢使之然由來非一朝金張
藉舊業七葉珥漢貂馮公豈不偉白首不見招

吾希段干木偃息藩魏君吾慕魯仲連談笑却秦軍當

世貴不羈遭難能解紛功成恥善作不受賞高節卓不羣

臨組不肯綵對珪寧肯分連璽曜前庭比之猶浮雲

濟濟京城內赫赫王侯居冠蓋蔭四術朱輪竟長衢朝

集金張館暮宿許史廬南鄰擊鐘磬北里吹笙竽寂寂

揚子宅門無卿相輿寥寥空宇中一作內所講在玄虛言

論準宣尼辭賦擬相如悠悠百世後英名擅八區

皓天舒白日靈景耀神州列宅紫宮裏飛宇若雲浮峨

峨高門內藹藹皆王侯自非攀龍客何為歛來游被褐

出閭闔高步追許由振衣千仞岡濯足萬里流

荆軻飲燕市酒酣氣益震哀歌和漸離謂若傍無人雖
無壯士節與世亦殊倫高眇邈四海豪右何足陳貴者
雖自貴視之若埃塵賤者雖自賤重之若千鈞

主父宦不達骨肉還相薄買臣困樵採

善作樵採

仇儷不安

宅陳平無產業歸來騎負郭長卿還成都壁立何寥廓
四賢豈不偉遺烈光篇籍當其未遇時憂在填溝壑英
雄有述邈由來自古昔何世無奇才遺之在草澤

習習籠中鳥舉翮觸四隅落落窮巷士抱影守空廬出
門無通路枳棘塞中塗計策棄不收塊若枯池魚外望
無寸祿內顧無斗儲親戚還相蔑朋友日夜疎蘇秦北
游說李斯西上書俛仰生榮華咄嗟復彫枯飲河期滿
腹貴足不願餘巢林棲一枝可為達士模

招隱二首

杖策招隱士荒塗橫古今巖穴無結構丘中有鳴琴白

雲

一作雪

停陰岡丹葩曜陽林石泉漱瓊瑤纖鱗或

善作亦

浮沉非必絲與竹山水有清音何事待嘯歌灌木自悲吟
秋菊兼餽糧幽蘭間重襟躊躇足力煩聊欲投吾簪
經始東山廬果下自成榛前有寒泉井聊可瑩心神峭
蒨青蔥間竹柏得其真弱葉棲霜雪飛榮流餘津爵服
無常玩好惡有屈伸結綬生纏牽彈冠去埃塵惠連非
吾屈首陽非吾仁相與觀所尚逍遙撰

五臣作極良辰

雜詩

秋風何冽冽

五臣作烈烈

白露為朝霜柔條旦夕勁綠葉日

夜黃明月出雲崖
皦皦流光披軒臨
前庭嗷嗷晨鴈翔
高志局四海塊然
守空堂壯齒不恒
居歲暮常慨慷

嬌女詩

吾家有嬌女皎皎
頗白皙小字為織

一作

素口齒自清

歷鬢髮覆廣額雙
耳似連璧明朝弄
梳臺黛眉類掃跡
濃朱衍丹脣黃吻
瀾漫赤嬌語若連
瑣忿速乃明愷握
筆利彤管篆刻未
期益執書愛緜素
誦習矜所獲其娣

玉臺
作娣

字惠芳兩目燦如
畫輕粧喜樓邊臨
鏡忘紡績舉

解擬京兆立的成復易玩弄眉頰間劇兼機杼役從容
好趙舞延袖像飛翮上下絃柱際文史輒卷襃顧盼屏
風畫如見已指摘丹青日塵閣明義為隱蹟馳騫翔園
林果下皆生摘紅葩掇紫蒂萍實驟抵擲貪華風雨中
倏忽數百適務躡霜雪戲重綦常累積并心注肴饌端
坐理盤榻翰墨戢閑按相與數離逖動為鑪鉦屈屣履
任之適止為茶菽據吹吁對鼎鑊外編作鑊脂膩漫白袖烟
薰染阿錫衣被皆重池重池被之心如池也玉臺作衣破皆重施誤難與沉

水碧任其孺子意羞受長者責
瞥聞當與杖掩淚俱向壁

張翰

字季鷹吳郡人有清才縱任不拘時人號為江東步兵齊王罔辟為東曹掾

周小史

翩翩周生婉孌幼童年十有五如日在東香膚柔澤素質參紅團輔圓頤苗苜芙蓉爾形既淑爾服亦鮮輕車隨風飛霧流煙轉側倚靡顧盼一作便妍和顏善笑美

口善言

雜詩二首

暮春和氣應白日照園林青條若總翠黃華如散金嘉
卉亮有觀顧此難久耽延頸無良塗頓足託幽深榮與
壯俱去賤與老相尋歡樂不照顏慘愴發謳吟謳吟何
嗟及古人可慰心

東鄰有一樹三紀裁可拱無花復無實亭亭雲中竦隙
禽不為巢短翮莫肯任忽有一飛鳥五色雜英華一鳴
衆鳥至再鳴衆鳥羅長鳴搖羽翼百鳥互相和

思吳江歌

一日秋
風歌

晉文士傳云張翰有清名美望大司馬齊王囿辟為東曹掾在洛見秋風起思吳中菰飯蓴羹鱸魚鱸鱸魚鱸

鱸嘆曰人生貴得適意爾何能羈宦數

千里以要名爵因作此歌遂命駕還

秋風起兮佳景時吳江水兮鱸魚肥
三千里兮家未歸
恨難得兮仰天悲

張載

字孟陽安平人也博學有文章起家佐著作郎累遷弘農太守長沙王又請為記室督拜中書

侍郎復領著作稱疾歸卒

登成都白菟樓

重城結曲阿飛宇起層樓

一作區

累棟出雲表嶢櫺臨太

虛高軒啟朱扉迴望暢八隅西瞻岷山嶺嵯峨似荆巫
蹲鴟蔽地生原隰殖嘉蔬雖遇堯湯世民食恒有餘鬱
鬱少城中岌岌百族居街術紛綺錯高甍夾長衢借問
揚子宅想見長卿廬程卓累千金驕侈擬五侯門有連
騎客翠帶腰吳鉤鼎食隨時進百和妙且殊披林採秋
橘臨江釣春魚黑子過龍醢果饌踰蟹蟻芳茶冠六清
溢味播九區人生苟安樂茲土聊可娛

贈虞顯度

疇昔協蘭芳，繾綣在華年。嘉好結平素，分著寮友前。謂
得終遐日，綢繆永周旋。吾子遭不造，邁閔丁憂艱。俾我
失良朋，誰與吐話言。一日為三秋，歲况乃三年。離居一
何濶，結思如迴川。

招隱詩

出處雖殊塗，居然有輕易。山林無悔怯，人間實多累。鸛
雛翔窮冥，蒲且不能視。鶴鷺遵臯渚，數為矰所繫。隱顯

雖在心彼我共一地不見巫山火芝艾豈相離去來捐
時俗超然辭世偽得意在丘中安事愚與智

七哀詩二首

北芒

五臣
作印

何壘壘高陵有四五借問誰家墳皆云漢世

主恭文遙相望原陵鬱臙臙季世

五臣
作葉

喪亂起賊盜如

豺虎毀壞過一杯便房啟幽戶珠柙

一作
匣

離玉體珍寶

見剽虜園寢化為墟周墉無遺堵蒙龍荆棘生蹊逕登

童豎狐兔窟其中蕪穢不復掃頽隴並墜發萌隸營農

圃昔為萬乘君今為丘中土感彼雍門言悽愴哀今五臣

作古

秋風吐商氣蕭瑟掃前林陽鳥五臣收和響寒蟬無餘

音白露中五臣夜結木落柯條森朱光馳北陸浮景忽

西沉顧望無所見唯覩松柏陰肅肅高桐枝翩翩棲孤

禽仰聽離鴻鳴俯聞蜻蛚吟哀人易感傷觸物增悲心

丘隴日已遠纏綿彌思深憂來令髮白誰云愁可任喪

徊向長風淚下沾衣襟

霖雨

初學記作張協今
從藝文作張載

霖雨餘旬朔濛昧日夜墜何以解愁懷置酒招親類
啾絲竹作伶人奏竒秘悲歌結流風逸響迴秋氣

擬四愁詩四首

我所思兮在南巢欲往從之巫山高登崖遠望涕泗交
我之懷矣心傷勞佳人遺我笥中布何以贈之流黃素
願因飄風起遠路終然莫致增永慕

我所思兮在朔涓欲往從之白雪霏登崖遠望涕泗頽

一作垂

我之懷矣心傷悲佳人遺我雲中翮何以報之連
城璧願因歸鴻超遐翮終然莫致增永積

我所思兮在隴原欲往從之隔太山登崖遠望涕泗漣
我之懷矣心傷煩佳人遺我雙角端何以贈之雕玉環
願因行雲超重巒終然莫致增永嘆

我所思兮在營州欲往從之路阻修登崖遠望涕泗流
我之懷矣心傷憂佳人遺我綠綺琴何以贈之雙南金
願因流波超重深終然莫致增永吟

述懷詩

以下
闕文

跋陟山川千里告辭揚子哭岐墨氏感絲雲乖雨絕心
乎愴而

失題

見初學
記柰部

江南郡蔗釀液豐沛三巴黃甘瓜州素柰凡此數品殊
美絕快渴者所思銘之常帶

同前

見藝文
部

白日隨天迴瞰瞰圓如規踊躍湯谷中上登扶桑枝

同前

見藝文老部

氣力漸衰損鬢髮終以皓昔為春月華今為秋日草

張協

字景陽與兄載齊名辟公府掾轉秘書郎累遷中書侍郎轉河間內史時天下已亂遂屏居草

澤以屬詠自娛終於家詩品曰張協詩其源出於王粲文體華淨少病累又巧構形似之言雄於潘岳靡於太冲風流調達實曠代之高手詞采蔥蒨音韻鏗鏘使人味之亶亶不倦

詠史

昔在西京時朝野多歡娛藹藹東都門羣公祖二疏朱軒曜金城供帳臨長衢達人知知足遺榮忽如無抽簪

解朝衣散髮歸海隅行人為隕涕賢哉此大選作夫揮
金樂當年歲暮不留儲顧謂四座賓多財為累愚清風
激萬代名與天壤俱咄此蟬冕客君紳宜見書

雜詩十首

秋夜涼風起清氣蕩暄濁蜻蛚吟階下飛蛾拂明燭君
子從遠役佳人守茆獨離居幾何時鑽燧忽改木房櫳
無行跡庭草萋以綠青苔依空牆蜘蛛網四屋感物多
所懷沉憂結心曲

大火流坤維白日馳西陸浮陽映翠林迴颺扇綠竹飛
雨灑朝蘭輕露棲叢菊龍蟄暄氣凝天高萬物肅弱條
不重結芳蕤豈再馥人生瀛海內忽如鳥過目川上之
歎逝前修以自勗

金風扇素節丹霞啟陰期騰雲似涌煙密雨如散絲寒

花發黃采

五臣
作彩

秋草含綠滋閒居玩萬物離羣戀

五臣
作念

所思案無蕭氏牘庭無貢公綦高尚遺王侯道積自成
基至人不嬰物餘風足染時

朝霞迎白日丹氣臨暘

善作湯

谷翳翳結繁雲森森散雨

足輕風推勁草凝霜竦高木密葉日夜踈叢林森如束
疇昔歎時遲晚節悲年促歲暮懷百憂將從季主卜

昔我資章甫聊以適諸越行行入幽荒

五臣作

駱從祝

髮窮年非所用此貨將安設瓠齏夸璆璠魚目笑明月
不見郢中歌能否居然別陽春無和者巴人皆下節流
俗多昏迷此理誰能察

朝登魯陽關狹路峭且深流澗萬餘丈圍木數千尋咆

虎響窮山鳴鶴聒空林
淒風為我嘯百籟坐自吟
感物多思情在險易常心
竭來戒不虞挺轡越飛岑
王陽驅九折周文走岑崆
經阻貴勿遲此理著來今

此鄉非吾地此郭非吾城
羈旅無定心翩翩如懸旌
出覩軍馬陣入聞鞞鼓聲
常懼羽檄飛神武一朝征
長鈇鳴鞘中烽火列邊亭
捨我衡門衣更被縵胡纓
疇昔懷微志帷幕竊所經
何必操干戈堂上有奇兵
折衝樽俎間制勝在兩楹
巧遲不足稱拙速乃垂名

述職投邊城羈束戎旅間下車如昨日望舒四五圓借
問此何時胡蝶飛南園流波戀舊浦行雲思故山閩越
衣文地胡馬願度燕風土安所習由來有固然

結宇窮岡曲耦耕幽藪陰荒庭寂以閒幽

一作山

岫峭且

深淒風起東谷有淪興南岑雖無箕畢期膚寸自成霖
澤雉登壟唯寒猿擁條吟溪壑無人跡荒楚鬱蕭森投
耒循岸垂時聞樵採音重基可擬志迴淵可比心養真
尚無為道勝貴陸沈游思竹素園寄辭翰墨林

墨蟻躍重淵商羊儻野庭飛廉應南箕豐隆迎號屏雲
根臨八極雨足灑四溟霖漉過二旬散漫亞九齡階下
伏泉涌堂上水衣生洪潦浩方割人懷昏墊情沉液漱
陳根綠葉腐秋莖里無曲突煙路無行輪聲環堵自頽
毀垣間不隱形尺燼重尋桂紅粒貴瑤瓊君子守固窮
在約不爽貞雖榮田方贈慙為溝壑名取志於陵子比
足五臣黔婁生作之

襟詩

太昊啟東節春郊禮青祗鷹化日夜分雷動寒暑離飛
澤洗冬條浮颺解春澌采虹纓高雲文虬鳴陰池沖氣
扇九垓蒼生衍四垂時至萬寶成化周天地移

遊仙

崢嶸玄圃深嵯峨天嶺峭亭館籠雲構修梁流三曜蘭
葩葢嶺披清風緣隙嘯

闕

古詩紀卷三十九